



OTPREMLJENO

17-01-2023
notpis

Broj: 06-04-51520-27-1/23
Sarajevo, 17.01.2023. godine

KANTON SARAJEVO
SKUPŠTINA KANTONA SARAJEVO
-OVDJE-

Predmet: Odgovor na zastupničko pitanje zastupnice Danijele Kristić, dostavlja se

Zastupnica Danijela Kristić je na prvoj radnoj sjednici Skupštine Kantona Sarajevo koja je održana dana 28.12.2022. godine u okviru tačke Dnevnog reda „Poslanička/zastupnička pitanja, inicijative i odgovori”, a u skladu sa poslovníkom Skupštine Kantona Sarajevo, uputila zastupničku inicijativu : „Na osnovu molbe JU Psihijatrijska bolnica Kantona Sarajevo pokrećem inicijativu za realizaciju otvaranja dnevne bolnice za preventivni i terapijski program za pacijente sa posttraumatskim poremećajem, kao i pacijente sa stresom i traumom uvjetovanim poremećajem”.

Uz inicijativu ovom ministarstvu je dostavljen u prilogu prijedlog plana realizacije, na daljnje postupanje.

Na upućenu inicijativu, a u okviru svojih kompetencija i nadležnosti dajemo slijedeće:

IZJAŠNENJE

Ministarstvo za boračka pitanja Kantona Sarajevo (u daljnjem tekstu: Ministarstvo) vrši upravne i stručne poslove utvrđene Ustavom, zakonom i drugim propisima u oblasti ostvarivanja prava članova porodica šehida, članova porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, demobiliziranih branioca, dobrovoljaca, organizatora otpora, veterana, ratnih vojnih zarobljenika i lica koja su kao maloljetna stupila u Oružane snage R BiH, kao lica zaslužnih u odbrambeno-oslobodilačkom ratu sa područja Kantona Sarajevo, kao i vođenje i podržavanje aktivnosti na očuvanju tekovina odbrambeno/oslobodilačkog rata 1992-1995. godine, održavanju manifestacija i drugih sličnih projekata.



Adresa: Reisa Džemaludina Čauševića 1, 71000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

1/1

Delegacija Kantona Sarajevo, predvođena ministrom za boračka pitanja Kantona Sarajevo Omerom Osmanovićem, te stručnim kadrom doktora i pravnika Opće bolnice Sarajevo, nedavno je boravila u dvodnevnoj posjeti gradu Vukovaru u okviru koje su posjetili Nacionalnu memorijalnu bolnicu "Dr. Juraj Njavro" Vukovar.

U cilju uspostavljanja međusobne dobre saradnje, ali i poboljšanja kvaliteta standarda braniteljske populacije vođeni su dugi i detaljni razgovori, te razmijenjena mišljenja na stručnom nivou, kako i na koji način grad Sarajevo može da realizuje projekt otvaranja veteranske bolnice u našoj domovini. Na tragu ovih razgovora bit će potpisan i Memorandum o međusobnoj saradnji.

Cilj dvodnevne posjete gradu Vukovaru predstavlja početak začete ideje, čijom realizacijom bi u dijelu Opće bolnice u Sarajevu bio otvoren odjel veteranske bolnice. Olakšavanje zdravstvenih potreba veterana odbrambeno-oslobodilačkog rata, te briga za zdravlje branitelja, glavni je fokus otvaranja odjela za veterane, te idejnog rješenja koje je stručni tim Opće bolnice uputio ka Ministarstvu za boračka pitanja KS.

Iz razloga opravdanosti projekta i idejnog rješenja za otvaranje odjela veteranske bolnice Ministarstvo za boračka pitanja Kantona Sarajevo je u budžetu za 2023. godinu predvidjelo iz kreditnih sredstava značajna finansijska sredstva u iznosu 1.000.000,00 KM. Projekat bi se realizivao u saradnji sa Općom bolnicom u Sarajevu.

Analogno prethodno navedenom projektu i idejnom rješenju Ministarstvo za boračka pitanja Kantona Sarajevo smatra da je i realizacija projekta - idejnog rješenja otvaranja dnevne bolnice za preventivni i terapijski program za pacijente sa posttraumatskim poremećajem, kao i pacijente sa stresom i tramom uvjetovanim poremećajem, od izuzetnog zdravstveno-socijalnog značaja za boračku populaciju kao i za druge građane, te u tom smislu je u budžetu za 2023. godinu predvidjelo iz kreditnih sredstava finansijska sredstva u iznosu 300.000,00 KM. Projekat bi se realizivao u saradnji sa JU Psihijatrijska bolnica Kantona Sarajevo.



Dostaviti :

- Predsjedavajućem Skupštine Kantona Sarajevo,
 - Službi za Skupštinske poslove Kantona Sarajevo
 - Stručnoj službi Vlade Kantona Sarajevo,
- ☉ a/a.



Adresa: Reisa Džemaludina Čauševića 1, 71000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

2/1